

आकाशवाणी

खबरां

1. प्रधानमंत्री नरेंद्र मोदी होरें देशवासिएं दा आह्वान कीता जे ओहू इकजुट रौहंदे होई बंड पौआने आहली ताकतें गी शिकस्त देन।
2. सोमनाथ स्वाभिमान पर्व गी देशवासिएं दी शाश्वत आस्था ते भक्ति दा इक प्रतीक करार दिंदे होई प्रधानमंत्री होरें आखेआ जे एहू उत्सव छड़ा सहाडी ऐतिहासिक शान दा जश्र मनाने दा मौका नेई, सगुआं एहू मुख दी रिवायतें गी अगगे बदाने ते भविक्ख गी मजबूत बनने लेई बत्त पदरी करने दा मौका ऐ।
3. प्रधानमंत्री नरेंद्र मोदी होरें ऐतिहासिक सोमनाथ पर्व पर शोभा यात्रा दी अगुवाई कीती।
4. सोशल मीडिया प्लेटफार्म एक्स नै मन्नेआ ऐ जे सामग्री गी मानक दे मूजब बनाई रखने च ओदे थमां गलती होई। ओहू भविक्ख च नियमें कनूनें मूजब गै कम्म करोग।
5. बांग्लादेश च इक होर हिंदू दी मौत होई गई जेदे करी अल्पसंख्यकें खिलाफ हिंसा पर चिंता बदी गई ऐ।
6. मौसम विभाग नै दिल्ली, राजस्थान, हरियाणा, चंडीगढ़, हिमाचल प्रदेश, ओडिशा ते पंजाब च सीत लैहर दी पेशगोई कीती।
7. ते महिला प्रीमियर लीग क्रिकेट प्रतियोगिता दे चौथे मैच च दिल्ली कैपिटल्स दा मुकाबला गुजरात जायंट्स कन्नै होग।

<><><><><><>

PM Unity

प्रधानमंत्री नरेंद्र मोदी होरें देशवासिएं दा आह्वान कीता ऐ जे ओहू इकजुट रौहंदे होई देशे च बण्ड पौआने आहली ताकतें गी शिकस्त देन। अज्ज गुजरात च सोमनाथ स्वाभिमान पर्व दे मौके पर इक बड्डी जनसभा गी संबोधित करदे होई प्रधानमंत्री होरें देशवासिएं गी आग्रह कीता जे ओहू अपने इतिहास कन्नै जुडे दे रौहन ते विकसित भारत दे लक्ष्य गी हासल करने लेई मूंडे कन्नै मूंडा मलाइयै ते दिल कन्नै दिल मलाइयै लगातार अगगे बधदे रौहन। सोमनाथ स्वाभिमान पर्व गी देशवासिएं दी शाश्वत आस्था ते भक्ति दा इक प्रतीक करार दिंदे होई प्रधानमंत्री होरें आखेआ जे एहू उत्सव छड़ा सहाडी ऐतिहासिक शान दा जश्र मनाने दा मौका गै नेई ऐ, सगुआं एहू देशे दी परम्पराएं गी अगगे बधाने ते भविक्ख गी मजबूत बनाने लेई बत्त पदरी करने दा मौका बी ऐ।

<><><><><><>

Shaurya Yatra

अज्ज बडुलै प्रधानमंत्री मोदी होरें गिर सोमनाथ जिले दे सोमनाथ स्वाभिमान पर्व च हिस्सा लैता। इस मौके पर मोदी होरें भव्य शौर्य यात्रा दी अगुवाई कीती। एहू आयोजन 1026 ईस्वी च महमूद गजनी आसेआ सोमनाथ मंदर पर कीते गेदे हमले दे इक जहार बरे पूरे होने पर आयोजित कीता गेआ हा। सदिएं थमां सोमनाथ मंदर दी रक्षा करने आहले अनगिनत योद्धाएं गी श्रद्धांजलि भेंट करने आस्तै 108 घोड़ें दी औपचारिक शोभा यात्रा दा आयोजन बी कीता गेआ। प्रधानमंत्री होरें आखेआ जे भारती सभ्यता दुएं गी हराना नेई सखांदी, सगुआं संतुलित जीवन जीना सखांदी ऐ। गजनी सोयां लेइयै औरंगजेब तगर दे लगातार हमलें मरा मंदर दे ऐतिहासिक परतिए निर्माण दी यात्रा गी चेत्ता करदे होई प्रधानमंत्री होरें दस्सेआ जे कियां सोमनाथ मंदर दा परतिए-परतिए निर्माण होआ।

<><><><><><>

PM Rajkot Visit

प्रधानमंत्री नरेंद्र मोदी होरें अज्ज राजकोट स्थित मारवाडी विश्वविद्यालय च कच्छ ते सौराश्ट्र क्षेत्रें दे 2 दिने दे दौरे तैहत वाइब्रेंट गुजरात क्षेत्रीय सम्मेलन दा उद्घाटन कीता। सम्मेलन दा आयोजन सौराश्ट्र ते कच्छ दे 12 पच्छमी जिलें च निवेश, नवाचार ते विकास गी बढावा देने दे मकसद कन्नै कीता गेआ। इस मौके पर प्रधानमंत्री होरें वर्चुअल माध्यम राएं सौराश्ट्र दे 7 जिलें च फैले दे 13 नमें ग्रीन फील्ड स्मार्ट औद्योगिक एस्टेट दी शुरूआत

कीती। उनें राजकोट च इक खास चिकित्सा उपकरण पार्क दा बी उद्घाटन कीता। सम्मेलन गी संबोधित करदे होई मोदी होरें आखेआ जे वाइब्रेंट गुजरात समिट वैश्विक विकास, अंतरराष्ट्री सहयोग ते सांझेदारी आस्तै इ सशक्त मंच बनी गेआ ऐ। उनें आखेआ जे शुरूआती दौरें च उंदा मकसद गुजरात दी क्षमता कन्नै दुनिया गी परिचित कराना हा। ओहू चाहंदे हे जे लोक गुजरात औन, इत्थे निवेश करन ते मुल्ख दे कन्नोकन्नी दुनिया भरै दे निवेशकें गी बी एहदा लाहू थ्होऐ। उनें आखेआ जे पिछले किश बरें च वैश्विक सांझेदारें दी गिनतरी लगातार बदी ऐ ते समें दे कन्नै एहू समिट समावेश दी इक बेहतरी मसाल बनी गेआ ऐ। स्हाड़े संवाददाता नै दस्सेआ ऐ जे एहू सम्मेलन कच्छ ते सौराश्ट्र क्षेत्रें आस्तै इक मंच दा कम्म करदा ऐ जेदा मकसद मोरबी च सिरेमिक, राजकोट च इंजीनियरिंग ते तटीय क्षेत्र दे कन्नै फैले दे व्यापक बंदरगाह ते लाजिस्टिक नेटवर्क जनेहू महत्वपूर्ण क्षेत्रें पर ध्यान केंद्रित करना ऐ।

<><><><><><>

PM-Video Msg

प्रधानमंत्री नरेंद्र मोदी होरें आखेआ ऐ जे जैन संत श्रीमद विजय रत्न सुंदर सुरीश्वरजी महाराज हुंदा ज्ञान छडा कताबी नेई हा, सगुआं ओहू उन्दे जीवन थमां बी लब्धदा हा। मोदी होरें श्रीमद् सुरीश्वरजी महाराज हुंदी 500मीं किताब दे विमोचन पर अपने वीडियो स्नेह च आखेआ जे उंदा व्यक्तित्व आत्म संयम, सादगी ते स्पष्टता दा उद्भुत संगम ऐ। मोदी होरें आखेआ जे उंदा कताबें मनुक्ख दी सारी समस्याएं दा सौक्खे ढंगै सिर ते आध्यात्मिक हल दिंदियां ना।

<><><><><><>

VP Lal Bahadur

उपराश्ट्रपति सी.पी राधाकृष्णन होरें अज्ज साबका प्रधानमंत्री लाल बहादुर शास्त्री हुंदी पुनयतीथि दे मौके पर उनेंगी पुष्पांजलि अर्पित कीती। इक सोशल मीडिया पोस्ट च उपराश्ट्रपति होरें आखेआ जे साबका प्रधानमंत्री इक दूरदर्शी नेता हे जिंदा जीवन सादगी, रमानदारी ते राश्ट्र दे प्रति अननुट समर्पण दी मिसाल ऐ।

<><><><><><>

X Mistake

सोशल मीडिया प्लेटफार्म एक्स ने मन्नेआ ऐ जे सामग्री गी मानक दे मूजब बनाई रखने च ओदे थमां गलती होई ऐ। सरकारी सूत्रें आखेआ जे ओहू भविक्ख च नियम-कनून दे मूजब गै कम्म करोग। एहू मामला उसलै सामने आया हा जिसलै इलेक्ट्रानिकी ते सूचना प्रौद्योगिकी मंत्रालय नै एक्स गी नोटिस भेजिए अक्षील सामग्री हटाने लेई आखेआ हा। इंदे च ए.आई दी मदद कन्नै बनाई गेदी सामग्री शामिल ही। छानबीन च करीब 35 ज्हार सामग्री ब्लॉक कीती गेई ते 600 थमां मते अकाउंट डिलीट करी दित्ते गए हे।

<><><><><><>

Pragati-Special Story

सुशासन ते योजनाएं दी समें सिर अमलावरी आस्तै प्रधानमंत्री हुंदे प्रमुख तंत्र प्रगति नै अपनी 50मीं बैठक कन्नै महत्वपूर्ण उपलब्धि हासिल कीती। प्रधानमंत्री नरेंद्र मोदी होरें बरे 2015 च एहूदी शुरूआत कीती। प्रगति तंत्र दे माध्यम कन्नै प्रधानमंत्री हुंदी सीधी समीखा ते निगरानी करी बुनियादी ढांचागत परियोजनाएं दी समेंबद्द ढंगै सिर निगरानी ते जन शकैतें दा हल मुमकन होआ ऐ। इस तंत्र नै केंद्र, राज्य ते केंद्री मंत्रालयें गी इक डिजिटल मंच पर आनिए सहकारी संघवाद दी मिसाल पेश कीती ऐ। इक दहाके थमां बी मते चिरें तगर अटकी दी परियोजनाएं गी चालू करने सरबंधी फैसले लैने आहली प्रक्रिया च तेजी आई ऐ ते परियोजनाएं च लाने आहले चिर च बी कमी आई ते इस समस्या दा हल होआ ते कन्नै गै जवाबदेई बी तय होई ऐ।

<><><><><><>

HM-Mission-2026

भारती जनता पार्टी दे सीनियर लीडर ते केंद्री गृह मंत्री अमित शाह होरें केरल च औंदे विधानसभा चुनावें शा पैहले अज्ज तिरुवंतपुरम च मिशन 2026 दी शुरूआत कीती। तिरुवंतपुरम दे Kowoliar च उदय पेलेस कन्वेंशन सेंटर च नगर निबाएं लेई चुने गेदे बीजेपी दे सदस्यें दी स्टेट कांफ्रेंस गी संबोधित करदे होई शाह होरें आखेआ जे बीजेपी इक विकसित केरल बनाने लेई कम्म करा'रदी ऐ ते इस लक्ष्य गी हासिल करने लेई राज्य च बीजेपी दी सरकार बनाने दा लक्ष्य ऐ उनें इब्बी आखेआ जे विकसित भारत दी बत्त विकसित केरल सोआं होइयै जंदी ऐ।

Pariksha Pe Charcha

“परीक्षा-पे-चर्चा 2026” लेई 4 करोड़ कोला मते ऑनलाईन प्रतिभागियें अपना नां दर्ज कराया ऐ। एह गिनतरी पिच्छले बरे दे त्रै करोड़ 50 लख कोला मते दे गिनीज़ वलड रिकार्ड गी बी पार करी गई ऐ। केन्द्री शिक्षा मंत्री धर्मेन्द्र प्रधान होरें इक सोशल मीडिया पोस्ट च आखेया ऐ कि “परीक्षा पे चर्चा” इक राष्ट्र व्यापी आंदोलन बनी गेदा ऐ- जेहदा उद्देश्य नौजवानें ते बच्चें गी मतेहानें दे डर ते दबाव कोला मुक्त बनाना ऐ। उनें सब्भनें विद्यार्थियें अगगे आह्वान कीता ऐ जे ओ “परीक्षा-पे-चर्चा 2026” च पूरी सक्रियता कन्नै हिस्सा लैना। उनें आखेया जे मतेहानें दे दिन कोल आवा करदे न ते विद्यार्थी प्रधानमंत्री हुंदे आत्मविश्वास- एकाग्रता- ते कल्याण पर दिते गेदे सुझाएं दी मदद कन्नै अपने मनै चा मतेहानें दा डर ते तनाव दूर करी सकदे ना।

<><><><><><>

Fit India Sundays

युवा मामलें ते खेड सरबन्धी मंत्री डॉ. मनसुख मांडविया होरें अज्ज नमीं दिल्ली च 56में फिट इंडिया संडेज़ ऑन साइकल च हिस्सा लैता। एहदे च मुख्य भरै दे युवा नेताएं दी बी हिस्सेदारी दिक्खी गई। डॉ. मांडविया होरें आखेया जे साइकिल चलाना संतुलन सखांदा ऐ ते नेतृत्व च संतुलन जरूरी हुंदा ऐ उनें आखेया जे साइकल चलाइये युवा सबर रखना, गति घट्ट करना ते बदना सिक्खी सकदे ना। मांडविया होरें आखेया जे पिच्छले बरे जिसलै एह पैहल शुरू कीती गई ही तां पूरे मुल्लवै च 240 थाहें पर साइकलिंग कार्यक्रम आयोजित कीते गए हे।

<><><><><><>

IB-Vigilance

बन्ने पारा थमां तस्करी दिएं केई सारी घटनाएं दे सामने औने दे मद्देनजर सुरक्षाबलें, अंतरराष्ट्री बन्ने ते कब्जा रेखा पर सतर्कता होर बधाई दिती ऐ। आकाशवाणी दे जम्मू संवाददाता दी रिपोर्ट मुजब, इस गैंड दा मकसद बन्ने दी सुरक्षा गी निगगर करना ते घुसपैठक जां फही संघर्ष विराम उल्लंघना दी कुसै बी माड़ी घटना गी नाकाम बनाना बी ऐ। तोआई, कब्जा रेखा दे नेडे अखनूर सैक्टर दे अगेत्रे ग्रांड खड़ाहू च इक संदिग्ध कबूतर फगड़ेआ गेआ जेहदे पर 'रहमत सरकार' ते 'रिजवान-2025' लिखेआ गेदा हा। हलके सलेटी रंगै दे इस कबूतर गी 13एं ब'रें दे इक मकामी जागतै फगड़ेआ हा। अधिकारिएं मुजब इस कबूतरै दे फंगें पर मुहर लग्गी दी ही ते इसी अगड़ी जांच लेई पलांवाला पुलस दे सुपुर्द करी दित्ता गेआ ऐ।

<><><><><><>

Drone Arms

पुलस नै अज्ज दस्सेया ऐ जे पाकिस्तान शा ड्रो राएं सुट्टी गेदी हथियारें दी खेप गी साम्बा जिले च अंतरराष्ट्रीय बन्ने दे कोल इक अगेत्रे इलाके शा बरामद कीता गया ऐ। एहदे च दो-पिस्तोला- त्रै-मैगज़ीना- 16 रौंद ते इक ग्रेनेड शामिल हा। औन्दे गणतंत्र दिवस समारोह दौरान कुसा बी किस्म दी आतंकी वारदात गी नाकामयाब बनाने दे मद्देनजर एह कारवाई कीती गई। बी.एस.एफ ते जम्मू-कश्मीर पुलस दे विशेष अभियान समूह एस.ओ.जी दी इक सांझी टीम नै शुक्रवार रातीं बन्ने पारा थमां ड्रोन दी संदिग्ध गतिविधि दी सूह थ्होने मगरा घगवाल दे पलोरा ग्रां च तलाशी अभियान चलाया। इस दौरान इक नाले दे कंडे शा इक पैकेट मिलेया- जिसी खोलने उप्पर हथियार बरामद होए।

<><><><><><>

Kathua Bunker Construction

जम्मू-कश्मीर दे कठुआ जिले दे डिप्टी कमिशनर राजेश शर्मा होरें जिले दे बन्ने आहले इलाके च बंकरें दे निर्माण कम्में च हासल प्रगति दी समीक्षा लेई इक उच्चि सतह दी बैठक दी प्रधानता कीती। आकाशवाणी जम्मू संवाददाता दी रिपोर्ट मुजब बैठक दरान बंकरें दे जारी निर्माण कम्में दी स्थिति दा आंकलन करने दे कन्नो-कन्नो कम्में च पेश औने आहली रूकावटें दी पंछान करने ते बकाया रौहंदे बंकरें दा कम्म तय समें-सीमा दे अंदर-अंदर सबूरा करने बारै बी चर्चा कीती गई। ध्यानजोग ऐ जे कठुआ जिले च कुल 717 व्यक्तिगत ते 85 समुदायिक बंकरें सने कुल 802 बंकरें दा निर्माण कम्म हत्थै च लैता गेदा हा जिंदे चा अजें तोड़ी 796 बंकरें दा कम्म सबूरा करी लैता गेदा ऐ। जिले च हुल छडे 6 गै बंकर जेरे-तामीर न जिंदे च इक समुदायिक बंकर ते 5 व्यक्तिगत बंकर शामिल ना।

<><><><><><>

SA-Wildlife

दक्खन अफ्रीका च पच्छमी ते पूर्वी प्रांतै च जंगलें च बडी मती अग्ग लग्गी दी ऐ। पच्छमी केप च इक लक्ख हैक्टेयर थमां मती जमीन गी नुकसान पुज्जा ऐ ते लोकें गी सुरक्षित थाहें पर पजाया जारदा ऐ। अग्ग करी कुसै दे मारे जाने दी खबर नेई ऐ।

<><><><><><>

Bangladesh Hindu Youth Dies

बांग्लादेश च इक होर हिंदू नौजवान दी मौत होई गई ऐ जेह्दे करी अल्पसंख्यकें खलाफ हिंसा पर चाता बधी गई ऐ। सुनामगंज दे डेराई उप जिले च मोबाइल फोन दिएं किशतें दा भुगतान नेई करने गी लेइयै होए दे विवाद दे चलदे 19एं बरें दे जाँयमोहपात्रा दी शुक्रवारें सेल्हत दे इक अस्पताल च कथित तौरा पर जैहर खाने करी मौत होई गई ही। जाँय दे परोआर नै आरोप लाया ऐ जे बुहरानपुर गां दे दकानदार अमीरूल इसलाम नै 500 रपे दी किशत च चिर लगगने पर ओह्दे कन्नै मारपीट कीती, उसी बेइज्जत कीता ते उसी उकसाया। पुलसै नै दस्सेआ जे इस घटना दी जांच कीती जा'रदी ऐ।

<><><><><><>

Pak Hindu Farmer

पाकिस्तान दी सिंध प्रांतै च कैलाश कोहली नां दे इक हिंदू करसान दी कथित तौरा पर ओदे मकान मालिक सरफराज निजानी नै गोली मारियै हत्या करी दिती ही। इस घटना दे बाद हिंदू समुदाय दे बड्डे स्त पर बरोध प्रदर्शन शुरू होई गए न। पुलस नै कल रातीं सिंध प्रांत दे हैदराबाद शैहरा थमां मकान मालिक सरफराज निजामी ते ओह्दे साथी जफरुल्ला खान गी गिरफ्तार कीता। 23एं बरें दे इस हिंदू करसान गी इस म्हीने दी 4 तरीक गी कथित तौरा पर बादिन जिले दे तल्हार गां च निजानी दी जिमीं पर इक आसरा बनाने लेई गोली मारी दिती गई ही।

<><><><><><>

Weather

भारती मौसम विभाग नै अज्ज दिल्ली, पंजाब, हरियाणा ते चंडीगढ च घने शा बडा घना कोहरा छाए दे रौहने दी पेशगोई कीती ऐ। बिहार, हिमाचल प्रदेश, ख् जम्मू-कश्मीर, लद्दाख, गिलगित-बाल्टिस्तान ते मुजफ्फराबाद च बी घना कोहरा पौने दी मेद ऐ। इसै चाल्ली दे हालात राजस्थान, उप हिमाचलयी पच्छिम बंगाल, सिक्किम, उत्तर प्रदेश ते उत्तराखंड च बी बने दे न।

<><><><><><>

Mughal Road Open

माडे मौसमी हालात ते जारी होरनें कम्मं दे चलदे पिछले 7एं दिनें थमां बंद पेदी ऐतिहासिक मुगल रोड गी अज्ज गड्डिं दी आओजाई लेई परतिये खोली दिता गेआ ऐ। इस फैसले दी तस्दीक करदे होई मुगल रोड सरबंधी एस.ओ ट्रैफिक अनिल कुमार होरें दस्सेआ जे पिछले दिनें खास करियै पीर गी गली इलाके च बर्फबारी ते तलैहट ज्नेही स्थिति बनी दी ही पर हुन शिड्कै गी गड्डियें दी आओजाई लेई बहाल करी दिता गेआ। उनें गलाया जे लोकें दी सुरक्षा यकीनी बनाने लेई एहतियात दे तौरा पर पिछले दिनें मुगल रोड पर ट्रैफिक बंद रक्खी गेदी ही। उनें इ'ब्बी दस्सेआ जे मुगल रोड पर बड्डुलै साडे 10 बजे शा लेइयै दपैही ढाई बजे तोडी गै गड्डियें दी आओजाई दी खुल्ल दिती जाह्ग।

<><><><><><>

VDC-Training

कब्जा रेखा पर बदधे घुसपैठ दे खतरें गी नाकाम करने ते मकामी स्तर पर सुरक्षा बवस्था गी तगडा बनाने दे मकसद कन्नै पुंछ पुलस आसेआ जिले दे संवेदनशील सरहदी इलाके दे नेडे बसे दे गांS सलोतरी झुलास दारा दे बसनीकें ते ग्राम रक्षा समितिं दी रक्षा लेई इक सिखलाई कार्यक्रम दा सरिस्ता कीता गेआ। एह कार्यक्रम खित्ते च हाल दिएं सुरक्षा घटनाएं ते खुफिया रिपोर्टें दे मद्देनजर आयोजित कीता गेआ। ध्यानजोग ऐ जे स्याले दी रूतै दरान कब्जा रेखा पर घुसपैठ दिएं भैडी कोशिशें च बाद्दे दी शैंका दे मद्देनजर इस चाल्ली दे कार्यक्रम बडे महत्वपूर्ण मन्ने जा'रदे न।

WPL

महिला प्रीमियर लीग क्रिकेट प्रतियोगिता दे चौथे मैच च अज्ज संज्ञा दिल्ली कैपिटल्स दा मुकाबला गुजरात जायंट्स कन्नै होग। एहू मैच मुम्बई दे डॉ. डी.वाई पाटिल स्पोर्ट्स अकादमी च संज्ञा साड्डे 7 बजे यानि हुनै थमां किश चिर मगरा होग।

<><><><><><>

CM-Pencak Silat

मुख्यमंत्री उमर अब्दुल्ला होरें खेलो इंडिया बीच गेम्स-2026 दरान पैनचक सिलाट च सुन्ने दे दो तगमे सने चांदी दे बी दो तगमे ते इक्क कैंऽ दा तगमा जित्तने ते मर्दे दी श्रेणी च जेत्तू रौहने लेई जम्मू-कश्मीर दे दस्ते दी सराहना कीती ऐ। उमर होरें आखेआ जे एहू उपलब्धियां मकामी खडारिणं दी निश्ठा गी दर्शादियां न ते जम्मू-कश्मीर च खेडें सरबंधी खेत्तर गी लगातार थ्होआ करदी मजबूती दा बी सबूत ना।

<><><><><><>